


TENTAMEN PHYSIOLOGICUM

QUÆDAM DE

HALITU CUTICULARI

S I S T E N S.







4

TENTAMEN PHYSIOLOGICUM  
QUÆDAM DE  
HALITU CUTICULARI  
S I S T E N S.

QUOD

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GEORGIUS CALEY,  
PETROPOLITANUS,

Soc. Med. Reg. Edin. Soc. Extr.

Nec non

Soc. Studios. Nat. Ed. Extr.

Ad diem 24. Junii, hora locoque solitis.

*Eorum, quae confertim et celeriter nutriunt, celeres quoque  
ejectiones fiunt. HIPPOCRATES. Lib. ii. Aph. 18.*

EDINBURGI:

Apud BALFOUR et SMELLIE,

Academiae Typographos.

---

M,DCC,LXXXIX.



TENTAMEN PHYSIOLOGICUM

QUADAM DE

HALITU CUTTULARI

31812

CHOD

ANNUNTIO SUMMO NUMERO

IN ANNO DOMINI 1771

D. GUILIELMO WORTERSON, S. T. P.

ACADEMIAE REGIAE BORNESEN

PROFESSORI

IN ACADEMIA REGIA BORNESEN

IN ACADEMIA REGIA BORNESEN

PRO GABRIEL DOTTORIS

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

GEORGIUS CAYLEY

PETROPOLETANUS

SECUNDUM REGIA BORNESEN

IN ACADEMIA

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN

IN ACADEMIA REGIA BORNESEN



# THEOPHILO DAVYE GARENCIERES;

A R M I G E R O,

Urbe Eboraco,

Artem Medicinae exercenti,

Cujus experientia multos annos

Probata fuit,

Ex

Faulto exitu ;

Qui

Semper eum comitatus est,

Qui,

Ob morum suavitatem

Affabilitatemque insignem,

Nec non

Humanitatem ejus immensam,

Æstimationem universalemque approbationem,

Movit ;

Ob multas curas paternas,

Maximam quoque tutelam,

Atque

Beneficia humana

Per sex annos,

Quo tempore durante,

Sub eo tyrocinia posuit,

Et cujus ab affinibus

Semper

Maximam attentionem

Expertus ;

Hocce testamentum

Grati animi :





Nec non,

Amico suo charo

Et dilectissimo,

MICHAELO HUTCHINSON, M.D.

Soc. Med. Reg. Edin. Socio,

Apud Wolverhampton,

In agro Staffordiensi,

Rem medicinalem facienti,

Quocum,

Duos pene annos felices,

Summa amicitia,

In

Academia Edinenfi,

Artem Medicinae condiscens,

Dedit:



THE NEW

AMERICAN

NEW YORK

THE NEW

MICHAEL H. MONTGOMERY, M.D.

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW

THE NEW



Nec non,

Rev. ROBERTO PEIRSON, A.M. &c. &c.

Nuper

Rudimentorum peritissimo literarum

Latinarumque Graecarum

Praeceptorī,

Apud Coxwold,

In agro Eboracensi,

Sub auspicio cujus

Nonnullos annos juveniles

Degit,

Et ob beneficia quae

Curasque maximas

In se collata :

Hocce Tentamen

Sacrum exoptat

A U C T O R.



## CORRIGENDA.

- Pag. 1. l. 3. *pro canales lege canalis*  
 6. 7. *in quo'd dele'*  
 11. 7. *pro rete lege reti*  
 — 15. *pro ab lege ob*  
 13. 1. *pro cellulofae lege celluloso*  
 14. 4. *pro iis lege ea*  
 17. 12. *pro callefactum lege callefactam*  
 — 16. *pro quae lege qua*  
 18. 12. *inter aromatica et cum inferere quae*  
 — 13. *pro tranfeant lege tranfeunt*  
 19. 5. *pro superficie lege superficie*  
 20. 15. *pro genetalibus lege genitalibus*  
 24. 4. *pro produetiones lege produetiores*  
 33. 15. *pro cordem lege cor*  
 35. 10. *pro enumerantur lege enumeratur*  
 36. 13. *pro cordem lege cor*  
 37. 10. *post adultis adde peragit*  
 39. 9. *pro humiditate lege humiditati*  
 48. 14. *post videntur adde,*  
 53. 13. *pro orire lege oriri*



# TENTAMEN PHYSIOLOGICUM

QUÆDAM DE

## HALITU CUTICULARI

S I S T E N S.

---

### P R O O E M I U M.

**I**N corpore humano tria organa excrementia plerumque enumerantur, meatus, scilicet, cuticulares, renes, et intestinorum canales. Horum vel omnibus vel faltem quibusdam, non solum ingesta, quibus, quo nostra nutriantur corpora, utimur, sed, progrediente tempore, partes quoque ipsae quibus corpora conficiantur, semper,

A



semper, in naturali saltem et sana eorum conditione, foris ejiciuntur. Haec autem organa, etiam si longe sint praecipuae, et veluti propriae corporis sentinae; attamen non omnes praebent exitus, per quos quaecunque rerum in corpus ingestarum ei supervacaneae evaserint atque inutiles, ejici possint. Pari enim fere modo, ac in insensibili per cutem halitu, continuo pulmonibus exhalatur quoddam excretum fluidum, aquam referens, et forsan aliud praeterea, cujus naturam minime satis compertam habemus: Quorum utrumque, si impediat aliquid, quo minus corpore effluat, vitam ipsam certissime laederet, et, ad postremum, extingueret omnino. Quinetiam, in cavis quoque nasi et oris, secernuntur fluida quaedam mixti generis; quae partim excrementa referunt, et partim quibusdam in corpore usibus, praesertim iis in partibus ubi ipsa secernuntur, inserviunt. In hac Dissertatione, de iis potissimum excretionibus quae cutis sunt propriae, quaeque, propterea quod per quaedam spiramenta ibi sita transeunt, nominatae Insensibilis Perspiratio fuerunt, differere mihi in animo est.



Proposito hoc consilio, multa de natura istius exhalationis quae in variis cavis corporis, veluti thorace, peritonei cavo, intestinis, textu celluloso, caeterisque quibusdam, obtinet, dicere, a re alienum videretur. Ad rem nostram satis erit tantum observare, vaporem, hisce omnibus locis exhalatum, videri potissimum ex usu esse ad sanam ipsarum partium actionem conservandam, et minime eas lethiferas possidere qualitates, quae halitum cuticularem tam insigniter notant.

Quo quae postea dicantur, five ad physiologiam pertineant five ad pathologiam, facilius intelligantur clariusque, pauca de structura integumentorum humani corporis, eorumque usibus, prius dicere, quam ad reliqua pergamus, in rem fore judicavimus.

# DE HALITU CUTICULARI.

## C A P. I.

### *De Corporis Humani Integumentis.*

INTEGUMENTA humani corporis, prout, cadaveribus incisis, apparent, descripturus, minime singula de singulis enumerabo, sed praecipuas hac de re auctorum observationes, quam brevissime potero, attingere, fatis habebo. Pergam igitur differere,

1<sup>mo</sup>, De epidermidis fabrica et usu :

2<sup>do</sup>, De rete mucoso ; ubi situm sit ; quibus rebus constituatur ; quo gaudeat colore ; et cui probabiliter usui inserviat :

3<sup>tio</sup>, De cutis verae structura, vasis, nervis, nexibus, glandibus, ductibus, inhalantibus et exhalantibus, sive poris quibus perficiuntur absorptio et perspiratio :

4<sup>to</sup>, De textu celluloso, structura ejus et usibus.

S E C T.



## S E C T. I.

*De Cuticula.*

Cuticula five epidermis est membrana tenuis, perlucida, ficca, insensilis; nisi in palmis manuum pedumque plantis, ubi multo densior, durior, et callosior invenitur; praesertim autem in his, quo cutem sensiliorem a variis, ex pressura attrituque, injuriis, quibus, hisce in partibus, continuo obversatur, defendat. Substantia ejus, interiore superficie, maxima ex parte, aequabilis est; exteriori autem, ex infinito fere numero tenuissimarum, squamarum instar, laminarum constat: Nulla vero vascularis aut fibratae structurae signa praebet, nisi filamenta quaedam, quae interioribus eam partibus annectunt. Horum substantia filamentorum quanam sit, nondum inter anatomicos convenit; etsi Monroio, aliisque quibusdam, ea vascula esse organica structura praedita, quae ad cuticulam nutriendam accommodantur,



dantur, videatur. Cuticula, quamvis firma et densa gaudeat structura, at in aquam tamen macerata, vel verificatoriis admotis, addensari vel extendi potest. Putrescit lentissime; sed, si causis, quae putredinem ingenerant, objiciatur, incorrupta ipsa, a jam putrescente cute fit facile separabilis. Arctissime reti mucoso adhaeret, et, quod hoc simul cum illa facile levare possit, quidam propterea has duas unam esse membranam existimaverunt.

Cuticula saepissime albo est colore. Aliter autem Heistero visum est. Is enim, compendio suo, hanc membranam, apud Europae incolas, albam, apud Æthiopes autem, nigram, esse affirmat. Sed alii anatomici, majore cura et tempore ad hanc rem scrutandam cognoscendamque adhibitis, colorem quo apparet cuticula, reti mucoso omnino idcirco tribuendum esse, quod, apud Europeos aequè ac Æthiopes, cuticula unum fere colorem inspectantibus exhibet, dum, apud hos, rete mucosum propius, quam apud illos, ad colorem cinereum vergere videatur, compererunt.



Totam cutis verae superficiem, nisi sub unguibus, obtegit. Pleraque quoque corporis cava intrat : Nec non meatus etiam per quos sevoſa defluit materia, atque ductus ſpiramentorum cuticularium, intrinſecus veſtire videtur.

His rebus cognitis, uſus, quibus inſervit cuticula, ſatis apparent. Perſpicuum eſt enim, hanc membranam, veram dum obtegit cutem, eam a violentis extrinſecus injuriis defendere ; et, eodem quoque tempore, ob innumera quibus perforatur ſpiramenta, aptum eſſe medium, per quod, quaecunque perſpirentur per cutem et inhalentur, expedite perfluant. Lewenhoekius auctor eſt, haec ſpiramenta eſſe in ratione quingentorum ad unamquamque ſquamam ; et unam arenae particulam cujus diametros centefimae parti digiti aequalis eſt, ducentas harum ſquamarum et quinquaginta tecturam. Ex hac ratione conſequitur, eandem hanc arenae particulam centum viginti quinque millia horum obtecturam ſpiramentorum quae perſpirationi inſerviunt.

Quod

Quod ad cuticulæ originem attinet, nihil adhuc tam accuratis stabilitum fuit experimentis, ut exinde aliquod pro fatis comperto habere possimus. Eam ex expansis excernentium vasorum extremitatibus formari, Lewenhoekio visum est. Censuit autem Ruyshius, suam ex nervosis cutis papillis originem ducere. Et Heisterus, neutri assentiens, utramque simul agnoscere originem existimavit.

Morgagnius cuticulam esse cutem ipsam, sed liquore amnii et aëris pressura ita induratum, ut insensibilis omnino evaserit, ostendere conatus est. Sed quocunque fonte haec membrana derivetur, eam, quotiescunque attritu caeterisque causis intereat, brevi renasci, nemini in dubio esse potest.

S E C T.



## S E C T. II.

*De Rete Mucofo.*

Rete mucofum, quod proximum, fubter cuticulam, jacet, eft id ftratum integumentorum, cui, ex reticuli fimilitudine, nomen Corpus Reticulatum, feu Rete Mucofum, inditum fuit. Hoc eft membrana mollis, glutinofa, feu vifcida, quae in aquam macerata diffolvi poteft. Interftitia fibrarum, a cute ad cuticulam percurrentium, ubique implet; atque interior ejus fuperficies illi, huic autem exterior, arctiffime adhaeret. Color corporis, quem nigrum apud Afros, apud Europeos autem album, videmus, ex hac membrana, maxima ex parte, pendet. Quibus in humano corpore inferviat ufibus, eos anatomici nondum fatis compertos habuerunt. Cenfet Heifterus eam, una cum cuticula, fuppeditare fpiramenta per quae tranfeant crines, papillae cuticulares, et abforbentium ductus et exhalantium, quae

proprio situ, continet. Cutis quoque papillas lubricas facit, eamque ea servat conditione, ut res externas tactu sentiat. Unde formetur rete mucosum, nondum satis cognitum est. Id ex sudore veram per cutem transmissio confici, nonnulli existimaverunt; et, hanc opinionem nonnihil eo accipere firmitatis, quod in iis praecipue partibus inveniatur, ubi acutissime sentiamus, omnibus quidem confitendum est.

### S E C T. III.

#### *De Cute Vera.*

Cutis vera substantia est admodum densa et firma, atque ex fibris, quae arctissime sibi invicem annectuntur, constat. In hanc membranam, multorum extrema vasorum nervorumque tam larga diffunduntur copia, ut eam, mirum in modum, sensilem faciant. Corpus tegit universum; et fundamentum est, cui caeterae omnes partes cuticulares, quarum singulae suis funguntur muneribus, incumbunt.



Cutis textura ubique eadem non est. Densior enim et laxior posterioribus corporis partibus, quam anterioribus, invenitur. Super palmis quoque manuum et pedum plantis, multo densiore, quam alibi corporis, textura gaudet. Superficies ejus papulis nervosis, numero fere pluribus, obsita est; praesertim iis in partibus, ubi sensus vegetissimi esse reperiuntur. Supra, rete mucoso, infra, textui celluloso, annectitur.

Glandularum quae ad cutem pertinent pleraeque, infra eam, in corpore adiposo sitae sunt; et maxima copia in naso, auribus, axillis, mammis circa papillas, et externis, quae generationi inserviunt, organis, reperiuntur. Fluidum secernunt, quod, quatenus ad colorem et spissitatem attinet, sebum vel ceram refert; eamque ab eausdem, glandulae sebosae nominatae fuerunt.

Praeter vasa cutis propria, et quorum ope nutritur aliturque, duo sunt vasorum genera, quae totius ad utilitatem corporis et sanitatem spectant. Haec anatomici vasa absorbentia et exhalantia nuncupaverunt: Illa partem lymphatici systematis constituunt; haec arterialis.

terialis. De variis utriusque usibus postea dicendum erit.

#### S E C T. IV.

##### *De Textu Celluloso.*

Textus cellulosus, seu corpus adiposum, qui de numero integumentorum ultimus est, nunc nostram sibi attentionem vindicat. Ex plurimis membranaceis constat laminis, quae varie et inordinate inter se disponuntur, atque ea, inter quae liber patet commeatus, interstitia formant.

Hujus membranae densitas, in diversis corporis partibus, multum variat. Plerumque perlucida est, et cuti arctissime adhaeret. Musculos eorumque fibras intercedit, et membranis, quae thoracem circumvestiunt et abdomen, annectitur. Eam permulta vasa sanguifera, sed nervos vel nullos, vel saltem paucissimos, accipere, inter omnes fere anatomicos convenit.



Cellulis vel cavis quae textui cellulosae connectuntur, succus unguinosus, plus minusve, prout res varient, fluidus, continetur, et hae cellulae formant substantiam corpus adiposum dictam.

Textus cellulosus, ad mollitiem, mobilitatem, et flexibilitatem vicinarum partium conservandam, maximo ex usu est. Obstat quoque, quo minus musculorum fibrae ullo ex attritu incommodo afficiantur; et toti vestimentum corpori praebet. Quinetiam, praesidio esse adversus nocentes acrimoniae effectus, et corpori in genere, unde nutriatur, suppeditare, existimatur.

## C A P . II.

*De Halitus Cuticularis Documentis.*

ETSI, quin per cutem fit halitus, nemo dubitare potest ; attamen, quo de hac re melius luculentiusque differamus, hic opus erit, quam brevissime memorare argumenta variis allata auctoribus, qui jam de iis scripserunt, quorumque experimentis staticis eam revera accidere perspicue compertum est, et, qua fluat quantitate, aestimatum.

Etiam si exhalatio et inhalatio, Hippocrate et Galeno florentibus, cognitae fuerunt ; at laus tamen harum naturam propiore explorandi intuitu, Sanctorio, auctori aevi multo recentioris, debetur. Hic enim auctor primus anquirere si revera existerent, atque aestimare qua fluerent copia, et quam essent ratione, ad evacuationes



tiones quae sensiles vocantur, conando versatus est. In hoc autem parum feliciter successit; nullam enim absorptionis et inhalationis, ab extra, rationem habuisse videtur. Idem hic auctor, reconditiores quoque causas, quibus halitus per cutem augeatur, imminuatur, et impediatur, investigare aggressus est; aequae ac effectus, five felices five non, qui has mutationes subsequantur.

Vaporem extremo corpore semper exhalari, qui corpus circumfundit, idque, nisi aër obstet externus, gratae temperie servat, atque cui a ventis dissipato subit alor, minime quidem dubitandum est.

De Gorterius, in suis de perspiratione observationibus, ait: “Vascula tenuissima, quae, humores tenues, volatiles, exhalantes, nullam speculo polito maculam relinquentes, vehunt ad ambitum corporis, pulmones, fauces, os, et nares, exhalantia vascula dicuntur. Omnibus his ex locis continuo exhalat humor tenuissimus, insensibilis, copiosus, cujus quantitas staticis experimentis, et cujus praesentia aëre frigido condensante vapores, vel corpore frigido eos colligente, detegitur.”

Van Swieten, hac de re scribens, etiam notavit:  
“ Totum corpus humanum perspirare Hippocrates et  
“ Galenus probe jam noverant, posteaque a Sanctorio,  
“ Keilio, De Gortero, Kauuio, pulchre confirmatum  
“ fuit; qui per observationes, omni cum attentione  
“ factas, et experimenta tentata, maximam utilitatem  
“ arti medicae conciliaverunt.

“ Demonstratum jam evidentes per arterias cutane-  
“ as, emissaria cryptularum cutanearum, ex pulmone,  
“ naribus, ore, vaporem tenuem, copiosum, in aëra  
“ diffilari: Tenuissimus debet esse perspirationis humor,  
“ cum celeberrimus Simpson, saepius tentato experi-  
“ mento, invenerit, indusium quo corpus tota nocte  
“ tectum fuit, ne grano quidem ponderosius inventum  
“ fuisse, licet integra libra facile tempore noctis perspi-  
“ raverit e corpore. Imo in indusio, quod per tres  
“ dies noctesque gestaverat continuo, nullum ponderis  
“ augmentum invenit \*.”

Keilius

\* Vid. Simp. pag. 196.



Keilius in aphorismis suis haec habet verba: “ Per  
“ omnes corporis poros, continuus facilisque aëri patet  
“ ingressus et egressus.”

Hisce jam memoratis documentis, quae auctores modo dicti perspirationem insensilem revera existere probandi causa attulerunt, perpauca alia eundem in finem adjiciemus.

In primis observandum est, totum corpus unam esse massam, spiramentis plenam, propriis madefactam fluidis, et, nisi externo algeat frigore vel morbis, quoque ad nonagesimum octavum caloris gradum, thermometro Farenheitei indice, calefactum: Ideoque, ut continuo vapores emittat, omnino necesse esse. Quod hoc verum esse satis probat, est, quod, si aliquis, capite ad cutem modo raso, muro cui illuceat sol, aestiva tempestate, affideat; halitus e capite, per umbram, quae murum obscurabit, oculis perspicietur.

C

Si

\* Kau. de Persp. Dict. Hippoc. No. 80.

Si nudae parti corporis corpus frigidius, et politum, veluti metallum aut vitrum, admoveatur; quod exhalat ab illa, id hujus obscurabit splendorem et inquinabit. Poculum ex vitro vel argento confectum, glacie vel frigidissima aqua impletum, corpus etsi non attingat, at brevissimo tamen tempore condensabit halitum cuticularem.

Qui medicamenta ex vivo argento et sulphure composita assumunt, ii omnes paulo post sentiunt aliquid extremo corpore exhalari. Vegetabilia praeterea quaedam, veluti allium, cepe, assafoetida, terebinthus, et forsan olea omnia aromatica, cum propriis qualitatibus nihil mutatis, per cutem transeant, uberioremq; reddunt insensilem perspirationem, aliquod revera per cutem corpore eliminari, satis demonstrant.

Hoc verum esse pluribus ut probemus argumentis, nihil opus est. Nunc igitur, quo fonte oriatur halitus cuticularis, an secernatur ope glandularum, five ex arteriis exhalantibus emanet, anquirere pergamus.



## C A P. III.

*De Halitus Cuticularis Fonte.*

IN priore hujus dissertationis parte, et eam cutis verae superficiem quae subjacenti textui celluloso annectitur, et eam cui incumbit rete Malpighianum, infinitum fere numerum eminentiarum tuberculorumve exhibere, notavimus. Has eminentias, exteriori superficie fitas, quae plerumque papillae nominantur, maxima ex parte ex nervosis filamentis constare, et vera tactus organa constituere, omnes uno ore consentiunt. Maxima abundant copia in lingua, extremis digitis, et penis glande. Harum insigniores et discretæ, quae interiori cutis superficiei, vel eam inter et corpus adiposum, insident, structurae glandularis participes esse videntur: Sed fabricam earum propriam, quae eas omnibus ab aliis discriminat, anatomici nondum fatis eruerunt. Nihil aliud

aliud de iis cognitum habemus, quam quod ex iis quaedam, ex arteriis convolutis, aliae autem, ex simplicibus folliculis, constituentur. Hae eminentiae, seu tubercula, ex natura fluidi quod in se continent, Sevosarum nomen Glandularum sibi affecutae sunt. Malpighius, Steno, aliique eorum vestigiis insistentes, has glandulas et ad sudorem et materiam perspirabilem fecernendum destinari existimaverunt. Hanc vero opinionem adauctior provectiorque, nunc dierum, anatomiae scientia refellit omnino. Verumcnimvero recentissimae accuratissimaeque hac de re observationes, nos faciunt certissimos, has eminentias, in paucissimis tantum corporis partibus, oculis percipiendas esse. Facillime quidem detegi et demonstrari possunt capite, facie, axillis, circa papillas, genitalibus utriusque sexus organis; sed vix ulla alibi parte corporis: Quum pro certissimo scimus, et insensilem perspirationem et sudorem abunde unaquaque corporis parte effluere. Hisce argumentis adducti, quidem recentiores anatomici, describere et demonstrare aliam speciem cuticularium glandularum, quibus nomen Miliarium inditum fuit, prae se tulerunt. Hae glandulae, sicut illis visum est, fuerunt, per totum  
ubique



ubique corpus, vel in vel sub cute vera disperfae, et tantummodo ad sudorem et materiam perspirabilem discernendum accommodatae. Sed, quod Ruyschio ejusque discipulis infaustum fuit, an hae revera existant glandulae necne, nondum vel cadaveribus incisis vel institutis experimentis satis compertum est: Quam ob rem neque illis, neque doctrinis ex illis pendentibus, ulla fere, hodie, fides adhibetur. Res cum ita sit, alius quidem, unde fluat insensilis materia perspirationis, fons, nunc nobis exquirendus est.

Arterias venasque cuti uberrime suppeditari, anatomicorum nemo ignorare potest. Subcutaneae, ut nominantur, arteriae, omnes in partes cutem inter et textum cellulosum currentes, innumeros minutos in utriusque substantiam ramulos tendunt: Partim, quo haec nutrant; et partim, quo varios deponant humores vel excernant. Arteriae subter cutem disperfae, ad postremum ita admodum tenues evadunt, ut earum cava particulas rubri sanguinis difficillime accipiant. Veruntamen, quum rubras has particulas, simul ac arteriolas intraverint, natura, et corpore sano, retro, adverso arteriolarum

olarum flumine, labi, fingere non possumus; nobis concedendum est, majores horum vasculorum truncos hic, velut alibi corporis, cum concurrentibus venis coalescere; dum minores tantum et laterales rami longius suum tendunt cursum, et ad extremum corpus, patentibus oribus, pertingunt. Proximae hae arteriae feriferae, sola, nobis iudicibus, et vera habenda sunt organa, quae ad perspirandum, et, forsan, quoque ad sudorem excernendum, accommodantur \*.

Hanc de perspiratae organis materiae opinionem, res a Ruyschio ipso injectae, et, post mortem ejus, a multis anatomicis, et nostratibus et peregrinis, observantia insignissimis, firmiorem reddunt. Kauuio injitienti aliquando ita felicius opinione evenit, ut non solum vascula cuticularia, sed etiam spiramenta insensilis perspirationis, omnino impleverit. Idem quoque anatomicus, tepida aqua in arteriam axillarem injecta, eandem postea aquam, anterioris ubique brachii, erumpentem, sudoris instar, conspiciatus est. Si materiam insensilis

per-

\* Vide Conspect. Med. Theor. § 706.



perspirationis et sudorem ex continuis vasis, et non glandularum ope, effundi concedatur, multo erit facilis explicatu, quomodo plurimae ex iis causis, quae augent perspirationem aut imminuunt, in corpus agant; et quomodo quantitas hujus excretionis, cum aetate, temperamento, ratione vivendi, alimentis, caeterisque, variet.

Haec vascula serifera, quae sua in cuticulam ora aperiunt, et quae, ope microscopii, interdum cerni possunt; ab anatomicis, Exhalantium sub nomine Arteriarum, descripta fuerunt. Eorum oribus tota cuticulae superficies obfita est. In spatio cujus diametros non amplius, quam octavam digiti partem, patet, Lewenhoeckius 500 ex his spiramentis esse sita computat. Perspiratam igitur materiam in tam magna caeteris sensilibus corporis evacuationibus ratione futuram esse, minime quidem mirandum est.

Praeter spiramenta exhalantia supra memorata, inhalantium quoque species videtur esse vasorum, quae ubique in integumentis corporis affatim disponuntur. An-  
tequam

tequam compertum fuit et demonstratum, quantum pateret systema lymphaticum, et quibusnam usui esset, anatomici putabant, inhalantia haec vascula, nulla esse alia, quam venas productiones, vel saltem absorbentes in superficie truncos; qui cum venis sanguinem rubrum vehentibus coierunt. Propterea quod in minutos venarum et lymphaticorum ramulos aliquid injicere, in primis arduum est et difficile; idcirco eorum opinionem falsam esse, nondum satis ex experimentis constat. Si vero ex harum cum aliis partium comparatione, et ex rebus circumstantibus quas satis cognitae habemus, ratiocinemur, ferent animi ut hanc conjecturam pro nihilo ducamus, et contra credamus, cum multis celeberrimis medicis, inhalantia seu absorbentia cutis vascula directe in ampliora tendere lymphatica; quae itidem in sua, sicque deinceps; donec tandem constituent ductus saccosque, qui proprie ad id pertinent systema, quod anatomici nomine lymphatici insignierunt\*.

Quae

\* Inhalatio ulterius probatur ex applicatione cantharidum, olei terebinthini, et quorundam aliorum; nec non in pisce Raia, Anglice vocato *skait fish*, ora absorbentium maxime evidentia. — *Monro's Comp. Anat.*



Quae supra de exhalantibus et absorbentibus cutis vasculis notata fuerunt, spectant quoque ad ea in iis sita membranis; quae interna corporis cava, veluti bronchia, fauces, nares, tractum intestinalem, cava peritonei, pleuram, pericardium, et cellulas innumeras in celluloso, totum per corpus, textu collocatas, obducunt.

D

C A P.

## C A P. IV.

*De Mutationibus ejus quod ad quantitatem.*

Hoc in loco pauca de variis, quod ad quantitatem, mutationibus, quas, ob causas postea memorandas, insensibilis perspiratio subit, observanda sunt. Sed, ut prius ad amussim diceremus, qua quantitate, in sana corporis conditione, effluat, quibusdam necessarium esse videatur. Hoc autem, ob varias quae accidunt res, factum difficillimum est; et eo magis, quod halitum ex pulmonibus, una cum inhalatione ab extra, nemo adhuc rite ad trutinam ponderatum habuit. Quibus rebus cognitis, animoque volutis, quantitatem, qua emanet perspirata materia, aestimare, in primis arduum esse, magnopere quidem nemini mirandum erit. Res etsi ita sit, at hoc tamen pro satis certo scimus, quantitatem, scilicet, perspirati vaporis inversa urinae quantitatis



tis ratione variare. Quoniam nihil de hac re novi, proprio ex penu, prompturi fimus, liceat nobis memorare quantitates, definitis temporibus perspiratas, et aestimatas secundum eorum summam experimentorum, quae Sanctorius aliique auctores, sua quisque patria, in hunc finem summa cura instituerunt.

In hac parte rei nostrae tractanda, enumerandae sunt,

Primo, Causae quae insensilem perspirationem adaugent; dein,

Secundo, Quae imminuunt eam aut impediunt.

## S E C T. I.

*De causis quae insensilem perspirationem adaugent.*

## P A R S I.

*De rebus extrinsecus corpori admotis quae hunc produciunt effectum.*

Causarum

Causarum quibus augetur halitus cuticularis nihil calore magis pollet. Caloris gradus diversis ex causis pendet; nimirum, coeli temperie; calore corpori ope ignis admoto; vel spontaneo corporis calore, nimis vestibus, vel fomentis calidis admotis, coacervato.

Atmosphærae calorem in diversis orbis terrarum regionibus multum variare, omnibus optime notum est. Quo propius circulo æquinoctiali regio adjacet, vel quo minus super planum mare sita sit, eo, cæteris paribus, vapor circum eam ambiens calidior invenitur. Hinc facile reddi potest ratio istius, in quantitate perspirationis, varietatis, quam Sanctorius in Italia, De Gorterius in Batavia, et in Britannia Keilius, observaverunt. Horum philosophorum primus, sexaginta indies uncias, vel quinque ex octo ingestis partes, corpore per halitum cuticularem, in Italia, effugere, comperit. Enarrat secundus, perspiratam materiam rarissime, in Batavia, quadraginta sex unciiis minorem esse, aut sex et quinquaginta excedere. In Britannia, secundum proximi experimenta, a triginta una indies unciiis, ad unam unciam et quadraginta, variat.

Ex his jam dictis rationibus, perspirationem, in regionibus sub curru propinquioris solis, abundantiorē esse atque uberiores, quam frigidioribus in terris propius vertici Septentrionali adjacentibus, fatis constat. Sed hic quoque observandum est, calorem, quovis modo corpori applicatum, halitus per cutem quantitatem augere, et interdum etiam movere sudorem. Causas inter externas, quae calorem corporis adaugent, enumeranda sunt; calida cubicula et vestimenta; balnea tepida; fomenta; vapores herbarum virtutibus imbuti. Calor, hoc modo corpori admotus, laxiorem facit cutem; spiramenta recludit; eodem quoque tempore, totum corpus stimulat; intendit impetum et velocitatem sanguinis; molem expandit fluidorum; et hoc modo perspirabilis quantitatem humoris, ad postremum, auget.

## P A R S II.

*De rebus intrinsecus corpori applicatis quae insensilem perspirationem augent.*



Ad hoc genus medicamentorum pertinent, diluentia, stimulantia, sedantia, emollientia, emetica, et nauseam facientia. Haec, vel singulatim vel conjunctim, certis dosibus in corpus assumpta, halitum per cutem copiosiores reddunt, et, quantitate adaucta, movent sudorem.

Si omnia, quae Materia Medica continet, medicamenta enumerarem, quae insensilem perspirationem adaugent, ideoque Diaphoretica nominantur, vereor ne nimius in hoc genere viderer. Ad rem meam satis erit observare, omnia hujus generis medicamenta, maxima ex parte, in sanguiferum systema agere; quum, iis adhibitis, cor et arterias excitari et stimulari pro certo sciamus. Quaedam sunt autem ad hoc genus pertinentia, quae in solum ventriculum agunt; indeque, ob mirum consensum hoc organum inter et extremum corpus, extremas in cute arterias, eamque ob rem, perspirationem, adaugent.

Quomodo unumquodque ex diaphoreticis medicamentis in corpus agat exponere, hac in dissertatione,

non aggrediemur; fatis ad rem nostram habentes, si finem ad quem omnia tendunt percipiamus. Diaphoretica, in genere, cor et arterias stimulant et excitant; musculares ventriculi fibras firmiores reddunt. Et ventriculus, novum inde vigorem adeptus, vim extremis in cute arteriis impertit, eamque ob causam insensibilem perspirationem reddit uberiores. Quaedam sunt quoque hujusmodi medicamenta, quae in massam sanguinis accepta, molem ejus augendo, indeque vasa sanguifera stimulando, plurimum ad augendum halitum cuticularem pollent. Sed quomodo, dicat aliquis, medicamenta, quae, quod ad eorum et naturas et vires attinet, diversa inter se et prorsus contraria videntur, hujusmodi sunt ea quae stimulant et sedant, eundem effectum edere possunt?

De quae sedant medicamentis, roganti responderi potest: Hujusmodi medicamenta in corpus ingesta, initio sensibilitatem nervosae ventriculi tunicae directe five indirecte obtundere; et caeterarum quoque partium, mirandum propter consensum eas inter et ventriculum, sensibilitatem hebetare: Partes, quas proxime post ventriculum

triculum afficiant, probabilissime cor esse et arterias ; per quae sanguis, his medicamentis adhibitis, lentius et minuto impetu cursum peragit : Velocitate sanguinis impetuque imminutis, extremas arterias inde laxiores reddi ; et, eam ob rem, sanguinem, extremo corpore relicto, ad receptaculum ejus, cor refluere : Tandem vero cor, ob nimium sanguinem in eo accumulatum, stimulari, et sanguinem in extremas arterias redintegrato adauctoque impetu propellere : Extremas arterias antea infirmatas et laxatas, nunc, eam ob rem, sanguini insuperabili fere impetu profluenti minus obistere posse : Et denique, prout impetus et velocitas sanguinis per cor et arterias plus minusve aucta fuerint ; vel insensilem perspirationem reddi uberiores, vel sudorem toto ex corpore erumpere. Medicamenta, e contrario, quae ad genus stimulantium proprie pertinent, in corpus directe agunt, augendo vitales actiones et animales. Sed utcunque res stimulant a rebus sedantibus, modo agendi, abhorreant ; at medicamenta tamen utriusque generis, conjunctim, haud semel felici cum successu adhibita fuerunt : Quod idem de emeticis cum opio conjunctis, velut in pulvere Doveri, dici possit.



## P A R S III.

De frigoris in corpus actione pauca, hoc in loco, dicenda sunt; utpote quod, nimium ni sit, halitum cuticularem aequè, ac calor ipse, copiosorem faciat. Calor autem et frigus, inter se comparata, hoc habent diversi; quod illius effectus longius permaneant, dum effectus hujus multo breviores sint atque fugaciores. Praeterea, effectus frigoris multum ex statu corporis pendent: Hominibus enim robustis corporibus, exercitatione, ni adsit humiditas, abundantior perspiratio, in frigida, quam mitiore, tempestate induci potest.

Frigus, ex effectibus quos in corpus humanum praestat, vel inter ea medicamenta quae totum corpus, vel ea quae tantum corporis partem, stimulant, collocare liceat. Univerfum corpus stimulare ex eo apparet, quod brevi corpori admotum, cordem et arterias ad agendum incitat, novumque systemati impertit vigo-

rem. Exinde fit ut, corpus in balneum frigidum subito immergere, efficacissimum, quibusdam in morbis, remedium habeatur. Praeter effectus modo dictos, hoc cibi appetentiam acuit; firmiores reddit fibras musculares; et halitum auget cuticularem.

Frigus pro locali stimulo habeatur, quoties interno corpori, five in pulmones inter perspirandum forma frigidi aëris, five in ventriculum forma frigidae aquae, assumptum, admoveatur. Utrisque enim casibus stimulat eas tantum partes, quas contingit; dein indirecte extremos arteriarum ramulos, per nervorum consensum, incitans, halitum cuticularem magis profluentem facit.

Ægrotis, ut frigidam aquam biberent causa sudorem movendi, praecipere, Galeno, iisque ejus vestigiis insistentibus, mos fuit minime infrequens. Celeberrimus quoque Cullenus, in opere de Materia Medica nuperissime edito, ait: “ Cold water taken into the stomach is  
“ a powerful means of exciting the action of the ex-  
“ treme vessels; and, with the assistance of covering  
“ the

“ the body very closely, it may be employed for ex-  
“ citing sweat.”

Frigus vero tum plurimum pollet ad augendam insensibilem perspirationem, cum sanguis suos circuitus saluari velocitate et vigore peragit, et corpus modico exercitio utitur. Exercitatione igitur, cis lassitudinem et sudorem, prius uti, quam in balneum frigidum descendatur, minime unquam negligendum est \*.

Hic loci frictio, quae inter diaphoretica stimulantia externa enumerantur, nobis opportune obvenit notanda. Quum vero eam inter et alia stimulantia, quae, corpori externe applicata, perspirationem augent, plane nihil intersit; multa de ea dicere, inutile esset et infructuosum. Eodem modo, ac calor externus, in corpus agit, incitando scilicet extremas arterias et eliciendo perspirationem; dum, eodem tempore, universum corpus parum afficit. Si stimulantia sint ulla, quae, in corpus quovis modo assumpta, hoc modo agunt; ut ita  
agent

\* Vid. Gregor. Conspect. Theoret. Medicin. vol. 2. § 1209.



agant per nervorum consensum inter extremum corpus et partem internam cui admota fuerint, omnino, ut antea dictum, necesse est.

Exercitatio quoque, locum inter causas externas quae halitum cuticularem profusorem reddunt, jure asserit. Ad hunc finem, nimia si non sit, et toti corpori debilitatem inducendo circuitum sanguinis languidiorem non faciat; in primis, propter firmitatem et vigorem quae totum corpus exinde assequitur, tuta et accommodata reperietur.

Electricum fluidum ab omnibus scriptoribus in diaphoreticorum ordine collocatur. Illic sibi locum jure vindicat: Cordem enim stimulat atque arterias; et horum ope, fugato sanguine ad extremum corpus, solito abundantior elicitur perspiratio.

Hoc in loco animadvertendum est, praeter vim seu energiam nervorum, qua circuitus sanguinis multum afficitur, alias esse causas quae impetum ejus et velocitatem augment, eamque ob causam halitum cuticularem.

Causae

Causae ad hoc genus pertinentes, inter eas quaerendae sunt vires, quae directe in nervos agere existimantur. Hujusmodi virium sunt omnes, qui incitant, animi affectus et motus: Qui, secundum omnium opinionem, in systema sanguiferum agunt; et, eam ob causam, in diaphoreticorum ordine fuerunt collocati.

Ætas quoque corporisque habitus, inter ea enumerantur quae aliquem in quantitatem halitus cuticularis effectum habent. Sanguis citius cursum suum in infantibus, quam hominibus adultis; et in adultis citius, quam in iis provectiore aetate. Exinde fit, ut, quo propius ad senectutem progredimur, eo parcius fuerit insensibilis perspiratio.

Homines robusto et sanguineo temperamento, quam ii laxo et phlegmatico; virilis, quam muliebris sexus; qui lautiore, quam qui tenuiore diaeta, vescuntur; qui, maxima ex parte, carne aluntur, quam qui vegetabilibus; uberius perspirant. Ex vegetabilibus, allium, cepe, et acida, fere inter ea referuntur medicamenta, quae halitum cuticularem movent.

## S E C T. II.

Nunc pauca de iis dicenda sunt, quae insensibilem perspirationem imminuant.

Frigus, sub quibusdam rebus circumstantibus, ut antea dictum est, perspirationem adauget. Sed, rebus aliis alias se habentibus, effectus huic omnino contrarios praestat. Frigus cum madore corpori debilitato admotum, pro intensitatis ratione, perspirationem parciolem facit, aut prorsus fere obstruit. Idem fit robustis, si modo corpus eorum diu algori, aëre simul pluvioso, fuerit expositum. Non solum frigus cum humiditate, sed quoque siccitate nimia conjunctum, ut in Canada et Greenlandia est videre, eosdem effectus interdum edit.

Variae atmosphaerae nec non corporis humanae conditiones, quibus huic effluxui obstititur, a Sanctorio referuntur; qualis est aër sub noctu et humidus, isque  
praecipue



praecipue qui mari incumbit. Super mare coelum, ut enuit, simul cibo crasso, concoctu difficili et perspiratu, adjectum, cachexias gignit; et Celsus monuit, spissat corpus sanum Aquilo.

Corpus exercitio vehementi, ceu saltatione, cursu, poculis, thermis, calefactum, perspirationi supprimendae magis obnoxiosum evadit.

Sedere madidis vestimentis amictus, humidis lectis cubare, vel diu humiditate alio quovis modo exponi, ad perspirationem impediendam plurimum pollere omnibus innotescit.

Prave concoquere, nimis longum a cibo abstinere, plantis succulentis, maxima ex parte, vesci, utpote quae totum corpus infirmant, inter ea habenda sunt, quae perspirationem cuticularem impediunt.

Deprimentes quoque affectus motusque animi, insensibilem perspirationem imminuunt. Quo modo in corpus agant, facile intelligitur; omnes enim suos effectus,  
vim

vim nervosam minuendo, praeſtant. Exinde fit ut impetum ſanguinis, et, eam ob cauſam, halitum cuticularum, imminuant.

Memoratis omnibus quae ad hanc partem rei noſtrae attinere videntur; tantum unum hoc amplius adjiciam; quod, multis in corporis conditionibus, ubi per quaſdam cauſas, ſed praefertim per nimiam cibi abſtinentiam, vel deprimentes animi affectus, imminuitur vel obſiſtitur perſpiratio; abſorptio ſeu inhalatio ab aëre externo augeatur.

## C A P. V.

*De Perspirationis Ufu.*

DICTIS supra rite cognitis et perpensis, difficile aut arduum esse minime reperietur, varia narrare munera; quae, humano in corpore, naturalis haec evacuatio perficit. In hac vero dissertatiuncula, praecipua tantum enumerabo.

I. Humorem in spiramentis cuticularibus, antequam excernatur, plurimum, ad corporis integumenta humida et mollia conservanda, conferre, quam maxime probabile esse videtur. Inde fit, ut rebus affici externis ferventur aptiora. Eadem de causa, nervosae papillae, in hoc liquore quasi madefactae, filamentis ab extra-impressiones accuratius promptiusque demandant, hasque per ea ad cerebrum usque propagant.



Hinc in omni perfectiore sensus organo delictiore-  
que, ut membranae id circumvestientes, molles et flexi-  
les fluido quodam sibi apto et proprio fervarentur, na-  
tura consultrice et provida utilitatum fatis provisum est.  
In ore saliva; in naribus mucus; in auribus serosa  
materia sibi propria; in oculis lachrymae et idoneum  
smegma, hoc munere funguntur. Atque probabile est,  
totam superficiem corporis, et praesertim extremos di-  
gitos, rebus extrinsecus admotis, multo affici aptiora  
esse, ob cuticularem halitum qui ea continuo hu-  
meetat.

II. Halitus per cutim, plurimum quoque pollet ad  
eam fluidorum corporis et solidorum rationem conser-  
vandam; in qua prospera valetudo ponenda est, et cu-  
jus conturbatione vita ipsa torpesceret, et tandem in-  
teriret omnino. Hinc, quibusdam in casibus, ratio ex-  
pellendi minore, quam aliter fieri posset, periculo, mor-  
bidos serosos humores, qui in circumfluo sanguine ni-  
mia accumuluntur quantitate, nobis suppeditatur.

III. Cibi et potus quibus vescimur, parva tantum pars ad nostra nutrienda corpora pertinet; dum multo major pars, utpote supervacanea et inutilis, per varios meatus supra dictos ejicitur. Spissiores partes hujus recrementi et solidiores, per alvum ejiciuntur; rariores autem liquidioresque per meatus uriniferos, spiramenta cuticularia, et pulmones, corpore effugiunt. Sic insensibilis per cutim halitus, cum aliis multis excretionibus, ad omnia supervacua excrementa evacuandum ex corpore, conspirat. Quinetiam, per hos meatus, non solum superfluae partes cibi et potus corpore efferuntur, sed etiam inutiles quaedam et effoetae partes corporis ipsius. In perspirabili materia, aequae ac in urina, semper reperitur copia salinae materiae, una cum multis foetidis et odoratis particulis; quae, in diversis animantium speciebus, et in singulis speciei ejusdem, multum inter se differunt. Fixus quoque aër, secundum quaedam experimenta nuper instituta, cum halitu cuticulari et pulmonario, haud parva quantitate, miscetur. Et, denique, quidam putaverunt medici, per cutim transire multum putridi vel putrescentis fluidi, quod antea in sanguine, ob vehementiorem calorem, velociorem sanguinis

guinis circuitum, vel ob alias causas parum cognitae, ingeneratum fuerat.

IV. Ex utilibus et accuratis experimentis, quae Doctor Fordycius in calefactis cubiculis instituit, satis constat, corpora animantium, in quibusdam occasionibus, potentiam generandi frigus, vel sese in frigidiori temperie, quam circumfluit aër, fervendi possidere. Miram hanc potentiam evaporationi quidam philosophorum attribuerunt. Professor noster celeberrimus, hac de re, scribens, haec habet verba: “ Non est dubitandum, vaporationem tum e cute, sed multo magis ab ipso pulmone, calorem corporis, qua ratione cunque is genitus fuerit, temperare multum. Neque incredibile est, hanc vaporationem aliquanto calorem respirando genitum, plus quam compensare, et corpus itaque revera frigidius reddere.” Hinc igitur alter perspirationis usus apparet. Quidem confitendum est, illum perspicacissimum chemicum et medicum Adairum Crawfordium, nuper, ex serie experimentorum, quae summa cura et diligentia fecit, inductum fuisse ut attribueret hanc obsistendi nimiae coacervationi caloris potestatem,



potestatem, quam pleraque animalium, si non omnia, natura possident, aliae causae eam quadantenus referenti, qua calor gignatur. Nihilominus autem candide confitetur, insensilem perspirationem, ad eundem effectum producendum, multum pollere. Absorptionem caloris, vel frigoris generationem, consequi vaporationem fluidorum in genere, per multa experimenta, ea praesertim primo a Doctore Culleno, hac de re, instituta, abunde apparet. Cum igitur halitus cuticularis revera est species vaporationis, plus minusve frigoris, halitu sese in aëra diffundente, generandum esse, perspicuum est. Ad hoc, res si ita sit, generati caloris quantitatem, quantitati humoris per cutim, eodem tempore, perspirati, in definita quadam ratione futuram esse, nemini in dubio esse potest. Satis igitur patet, quo magis corpus calefiat, exindeque insensilis perspiratio augeatur, eo plus caloris vaporans fluidum absorpturum esse, et corpore abstracturum. Haec opinio de usu perspirationis, plurimum firmitatis ab acutissimo sagacissimoque naturae rerum indagatore, Doctore Franklino, accepit. Celeberrimus hic philosophus, in tractatibus quibusdam philosophicis, quos, multis abhinc annis, edit,

dit, narrat; die quodam, cum thermometer sub umbra situm, centesimum caloris gradum indicabat, calorem sui corporis minime ad insolitum gradum adauctum esse; veruntamen, prae suo corpore, unumquodque quod tractaverit, percalidum, aequae ac si, per aliquod tempus, igni admotum fuisset, sensum esse.

Hoc evaporationi, verae velut causae, tribuendum esse, eruditissimo Doctore visum est. Physiologi igitur, unum esse ex usibus insensibilis perspirationis praecipuis, quod corpus in idonea temperie fervet, rectissime docuerunt.

C A P.

## C A P. VI.

*De morbis quibusdam qui ex halitu cuticulari suppresso vel minuto oriantur.*

INSENSILI per cutim halitu deficiente vel suppresso, ingens morborum cohors humanum corpus affligere observatur. Si suppressio aliquandiu manserit, totum corpus solito fit plenius, hebescit languescitque; atque, nisi materia halitus cuticularis morbide retenta, interim, per quaedam ex caeteris organis fecernentibus, secreta fuerit, et ex corpore, per aliud iter, quam per cutim, effluxerit; animus moerore, tristitia, solitudineque, dies atque noctes, exeditur: “Hilaritas, dum libera per  
“ corporis superficiem perspiratio fit, in mente nasci-  
“ tur; sed contra, gravitatis in corpore sensus, et in  
“ animo moestitia, perspiratione impedita, percipitur\*.”

Insensilem

\* Vide Sanctor. Aphor.



Insensilem per cutim halitum, vel supprimi, vel deficere, plerumque ex statu cutis ipso cognosci potest. Corporis enim, sanum si sit, extrema superficies, semper plus est minusve tactui humida, mollis, et unctiuscula; sed, halitu cuticulari suppresso, aegrotus crebro rigoribus et horripilatione afficitur; et cutis, sive frigida sive calida, sicca est tangenti et dura. Prorsus ita cutim plerumque sese habere, iis ineuntibus morbis qui ad genus phlogisticum pertinent; unicuique, qui unquam fuerit catarrho affectus, ex propria experientia notum est.

Nunc insignioribus ex morbis, qui, ex insensili perspiratione, vel frigore vel aliis quibusdam causis suppressa, maxime originem ducere videntur pauci, hoc in loco, enumerandi sunt.

*Febris.*—Inter causas quae febres continuas inducunt, frigus, cum humore conjunctum, Cullenus celeberrimus recensuit. Quomodo haec agunt, ex sequentibus Doctoris Homii verbis intelligere possimus: “Frigus,” ait is auctor, “humidum valetudini plus infestum est,  
“quam

“quam ficcum, quia perspiratio magis impeditur.” Febris naturam et veram causam, quanquam adhuc adeo parum cognitas habemus, ut, quomodo ex halitu cuticulari impedito oriatur, pro certo affirmare non possumus; at eam tamen revera talem agnoscere causam, adeo est compertum, ut, qui neget, omnino fere nullus inveniat.

*Phlegmasiae.*—Multo major quoque numerus generum, quae ad hunc morborum ordinem pertinent, impeditam vel repressam perspirationem, suas inter causas, agnoscit. Hoc accidere videtur, non solum, ob materiam quae per cutim exhalari debet retentam, sed quoque potissimum, ob humores, qui expedite ad extremum corpus fluere solebant, inde repressos, et retro, interiores in partes corporis, missos: Unde magnae irritationes, et sanguinis in visceribus congestiones, consequuntur. Sanguis, hoc modo, et hanc ob causam, cumulatus, diversos effectus diversis in organis, pro diversitate rerum circumstantium, quae causas perspirationem impediennes comitentur, et pro conditione organorum in quae sanguis, ab extremo corpore fugatus, repellatur, praestabit.

præstabit. De partibus quae affici sunt caeteris aptiores, observare in genere nobis liceat, eas, quas morbus jam debiliores laxioresque reddiderit, generali quavis causa affici proniores esse, quam quae sanæ incolumesque maneant.

Inde fit, ut quaedam partes eadem inflammatione iterum iterumque affectae, miram in eam proclivitatem, ex consuetudine, concipiant; velut *Anginam Fauces*, et *Pneumoniam Pulmones*. Ad hoc, halitus cuticularis suppressus vel imminutus, causa morborum foecundissima, potissimum has corporis partes, quae, etiamsi ab omni adhuc morbo vacuae fuerint, tamen natura, et quasi ex haereditate, imperfectae sunt et infirmæ, afficit. Sic in

*Haemorrhagiis*, sanguis ab extremo corpore, in organum male natura conformatum, nimia copia, missus, saepe vasa ejus sanguifera in actionem adeo vehementem et inordinatam incitat, ut vel anastomosi dehiscant, vel rumpantur; et sanguis ex foraminibus effuse profluat. Hoc modo, impedita perspiratio, saepe *Haemop-*



*tyfin*, et haud raram ejus comitem, *phthysin*, scilicet pulmoneam, inducit. Imminutio excretionis cuticularis, diu si urgeat, saepe plenitudinem totius corporis, et, praeterea, interdum haemorrhoidem, iis in partibus ad hunc morbum proclivioribus, efficit.

*Profluvia*.—Frigus ita corpori admotum ut catarrhum inducat, imminuendo cuticularem halitum, ideoque perspirabilem materiam, ab extremo corpore, ad mucosam membranam narium, faucium, bronchiorumque, avertendo, agere videtur. Mira, ut supra memoravimus, halitui pulmoneo, cum eo per cutim, ratio existit; quam ob rem, alterutro quavis ratione adaucto, eadem imminuitur alter. Exinde intellectu facile est, quo modo insensibilis perspiratio, vel impedita vel suppressa, sanguinis ad pulmones affluxum augeat, ideoque catarrhum inducat. Sed quoque veri simile est, humorem, qui, corpore sano, per cutim exhalatur, solito acriorem, diu in corpore retentus si fuerit, evadere; et ad glandulas mucosas derivatum, ibi quandam irritationem, et non-nihil quoque inflammationis, ut in catarrho saepe videre est, excitare posse.

An dysenteria unquam ulla alia ex causa, quam speciali vel sui generis contagione, oriatur, necne, nondum a Physiologis consentitur. Sed haec res utcunque fit, tamen ex variis consimilibus documentis, frigus cum humore conjunctum, quod, extremo corpori admotum, insensilem per cutim halitum impedit, homines multo contagioni dysentericae obnoxiores facere, nobis concludere liceat.

Ad eandem causam, perspirationem, scilicet, impeditam vel omnino suppressam, adauctae quaedam aliae excretiones, veluti urinae alvique, referendae sunt. Halitu enim cuticulari imminuto, urina, profluere solito copiosior, fere semper observatur. Hoc autem, quoniam ex aquosis humoribus ad renes adaucta quantitate derivatis, et fortasse ex quibusdam acribus salinisque particulis haec organa incitantibus, pendere videtur, raro pro morbo habendum est, neque fere unquam opem medicorum egebit.

Interdum, veruntamen, accidit morbidus urinae fluxus, *Diabetes* nominatus; cujus suppressam perspirationem



nem plerumque in causa esse, a plerisque dictum fuit medicis. Praesente hoc morbo, cutis, revera, modo admodum peculiari afficitur. Namque non solum cuticularis halitus imminui, sed, eodem quoque tempore, cuticularis absorptio augeri, videtur. Hoc proxime memoratum ita esse, complura experimenta a Clinicis Medicis, cognoscendi causa, Nosocomio Edinburgeno, ex industria instituta, multo probabilius reddunt. Corporibus quorundam ex aegrotis diabete laborantibus suavi oleo inunctis, urinae exinde, in quibusdam saltem casibus, secretio fluxusque, multum imminuta fuerunt.

*Diarrhoeam* quoque, per saepe, ex insensili per cutim halitu imminuto, orire, nemini in dubio esse potest. Salutifera hac excretionem impedita, fluidum, sano corpore, per cutim ejectum, retro, ab extremo corpore, in partes interiores agitur; et intestinorum, praesertim infirma et irritabilia si sint, glandes mucosas nimis stimulando, crebras et mucosas dejectiones efficit <sup>a</sup>.

Nec

<sup>a</sup> Vid. Cullen's First Lines, § 1483.



Nec non et *cholera*, quae, ex statu superincumbentis aëris potissimum pendere, videtur, saepe obstructa excitari perspiratione, satis probabile est. Rem ita esse, satis ex eo constat, quod hicce morbus, saepissime, homines, eo anni tempore, invadit, quando, ob coelum frigidum humidumque, insensilis per cutim halitus mag-nopere imminuitur <sup>a</sup>.

*Dyspepsia*, quae ad ordinem *Adynamiarum* pertinet, minime quoque raro, a frigore humoreque, quae, corpori simul inexercitato si admoveantur, cuticularem halitum reddunt parciolem, inducitur. Cruditas ventriculi, minuta ciborum appetentia, et vomitus, quae, hoc in morbo, aegrotum molestia afficiunt, ex miro, ventriculum inter et cutim, consensu, pendere videntur. Mirandus hic consensus, plurimum pollere perspicitur, in omnibus fere morbis, qui duas has partes corporis afficiunt. Sydenhamus, in ratione ab eo tradita febris pestiferae et pestilentiae, quae, anno 1665to et sequente, Londini saevierunt funestissimae, narrat; se saepe, ne-  
que

<sup>a</sup> Vid. § 1459.



que vomitionem sistere, neque aegroti ventriculorum medicaminum tenacem reddere, potuisse; priusquam, vasa in extremo corpore firmiora reddendo, et, eo modo, halitum cuticularem et sudorem iterum ciendo, pristinum ventriculo vigorem, aliqua ex parte, restituerat \*.

Ex cuticulari exhalatione impedita vel suppressa, *Dyspnoea* quoque, et *Asthmatis* accessiones, oriuntur. Varias inter causas, quae proximum hunc morbum excitent, plane nulla plus pollet, quam nimium sanguinis in pulmonum vasis accumulatum. Quo autem modo halitus cuticularis imminutio hanc sanguinis accumulationem producat, supra jam dictum fuit: Quo cognito, qua ratione Asthma, hac ex causa, oriatur, satis apparebit.

Eadem haec causa, sanguinem nimis tenuem et aquosum reddendo, sed multo magis, vasa corporis laxiora faciendo debilioraque, aquam inter cutim et afferre, et  
jam

\* Vid. Sydenham, sect. 2. chap. 2.



jam praesentem reddere graviores, pollet. “ Accor-  
 “ dingly,” ait Cullenus, “ it is alledged that persons  
 “ much exposed to cold and moist air, are liable to  
 “ dropfy :” Nam, tali causa agente, ita cuti nocetur, ut  
 ad inhalandum humores, quam exhalandum, aptior ac-  
 commodatiorque reddatur.

Postremo, insensilis perspiratio suppressa, *Scorbutum*  
 non solum saepe comitatur, sed etiam, haud raro, eum  
 praenunciat excitatque. Equidem confitemur, nulla  
 forsan exempla extare hominum, qui, ex sola hac causa,  
 fuerunt scorbuto correpti; sed tamen permulta nobis  
 esse documenta, frigus cum humore conjunctum, et jam  
 urgentem morbum graviores reddere, et eum etiam-  
 num quodammodo latentem excitare, omnibus quidem  
 concedendum est. “ Denique, retenta diu materia pu-  
 “ trescente, vel noxia saltem quae debuisset excerni,  
 “ haud absimile est totam massam humorum paulatim  
 “ corruptum iri \*.”

\* Vid. Greg. Conspect. Med. Theor. § 734.